

**FERIA V IN ADVENTO**

**AD VESPERAS**



## FERIA V IN ADVENTO AD VESPERAS

### *1. Ant. Ic*



Ecce *Ps.* quam bonum. E u o u a e.

### *Ps. 132*

**E**cce quam bonum, et quam  
iucúndum \* habitáre fratres  
in unum:

Sicut unguéndum in cápite, \*  
quod descéndit in barbam, bar-

bam Aaron.

Quod descéndit in oram vesti-  
ménti eius: \* sicut ros Hermon,  
qui descéndit in montem Sion.

Quóniam illic mandávit Dó-  
minus benedictiónem, \* et vitam  
usque in sæculum. Glória Patri.



Ecce quam bonum et quam iucúndum.

### *2. Ant. IIIb*



Quóni- am *Ps.* Confi-témini. E u o u a e.

### *Ps. 135i*

**C**onfitémini Dómino, quóni-  
am bonus: \* quóniam in  
ætérnum misericórdia eius.

Confitémini Deo deórum: \*  
quóniam in ætérnum misericór-

dia eius.

Confitémini Dómino dominó-  
rum: \* quóniam in ætérnum  
misericórdia eius.

Qui facit mirabília magna  
solus: \* quóniam in ætérnum  
misericórdia eius.

Qui fecit cælos in intellectu: \*  
quóniam in ætérnum misericór-  
dia eius.

Qui firmávit terram super  
aquas: \* quóniam in ætérnum  
misericórdia eius.

Qui fecit luminária magna: \*  
quóniam in ætérnum misericór-

dia eius.

Solem in potestátem diéi: \*  
quóniam in ætérnum misericór-  
dia eius.

Lunam, et stellas in potestá-  
tem noctis: \* quóniam in ætér-  
num misericórdia eius.

Glória Patri.



Quóni- am in æ-térnum mi-se-ri-córdi- a eius.

### 3. Ant. IIIb



Confi-témini. *Ps.* Qui percússit. E u o u a e.

### *Ps. 135ij*

Qui percússit Ægýptum cum  
primogénitis eórum: \* quóni-  
am in ætérnum misericórdia eius.

Qui edúxit Israel de médio eó-  
rum: \* quóniam in ætérnum  
misericórdia eius.

In manu poténti, et bráchio  
excélso: \* quóniam in ætérnum  
misericórdia eius.

Qui divisit Mare Rubrum in  
divisiónes: \* quóniam in ætér-  
num misericórdia eius.

Et edúxit Israel per médium  
eius: \* quóniam in ætérnum

misericórdia eius.

Et excússit Pharaónem, et vir-  
tútem eius in Mari Rubro: \* quó-  
niam in ætérnum misericórdia eius.

Qui tradúxit pópulum suum  
per desértum: \* quóniam in ætér-  
num misericórdia eius.

Qui percússit reges magnos: \*  
quóniam in ætérnum misericór-  
dia eius.

Et occídit reges fortes: \* quó-  
niam in ætérnum misericórdia  
eius.

Sehon, regem Amorrheórum: \*  
quóniam in ætérnum misericór-  
dia eius.

Et Og, regem Basan: \* quóniam in ætérnum misericórdia eius.

Et dedit terram eórum hereditátem: \* quóniam in ætérnum misericórdia eius.

Hereditátem Israel, servo suo: \* quóniam in ætérnum misericórdia eius.

Quia in humilitáte nostra memor fuit nostri: \* quóniam in ætérnum misericórdia eius.


Et redémit nos ab inimícis nostris: \* quóniam in ætérnum misericórdia eius.

Qui dat escam omni carni: \* quóniam in ætérnum misericórdia eius.

Confitémini Deo cæli: \* quóniam in ætérnum misericórdia eius.


Confitémini Dómino dominórum: \* quóniam in ætérnum misericórdia eius.

Glória Patri.



Confitémini Dómino, qui-a in humi-li-táte nostra memor fu-it nostri.

#### 4. Ant. IIIb



Adhære-at. *Ps.* Super flúmina.

E u o u a e.

#### *Ps.* 136

**S**uper flúmina Babylónis, ille scédimus et flévimus: \* cum recordarémur Sion.

In salícibus in médio eius, \* suspéndimus órgana nostra.

Quia illic interrogavérunt nos, qui captívos duxérunt nos, \* verba cantiónum.

Et qui abduxérunt nos: \* Hymnum cantáte nobis de cánticis Sion.

Quómodo cantábimus cánticum Dómini \* in terra aliéna.

Si oblítus fúero tui, Ierúsalem, \* oblivióni detur délixtera mea.

Adhære-at lingua mea fáucibus meis, \* si non memínero tui.

Si non proposúero Ierúsalem, \* in princípío lætítia meæ.

Memor esto, Dómine, filiórum Edom, \* in die Ierúsalem.

Qui dicunt: Exinaníte, exinaníte \* usque ad fundaméntum in ea.


Fília Babylónis misera: \* beá-

tus, qui retribuet tibi retributionem  
tuam, quam retribuisti nobis.

Beátus, qui tenebit, \* et allidet  
párvulos tuos ad petram. Glória.




Adhære-at lingua me- a fáucibus me- is, si non memí-ne-ro



tu- i Ierú-sa-lem.

*5.Ant.V*



Confitebor. *Ps.* ti-bi, Dómine. E u o u a e.

*Ps. 137*

**C**onfitébor tibi, Dómine, in  
toto corde meo: \* quóniam  
audísti verba oris mei.

In conspéctu Angelórum psal-  
lam tibi: \* adorábo ad templum  
sanctum tuum, et confitébor nó-  
mini tuo.

Super misericórdia tua et veri-  
táte tua: \* quóniam magnificásti  
super omne, nomen sanctum  
tuum.

In quacúmque die invocávero  
te, exáudi me: \* multiplicábis in  
ánima mea virtútem.

Confiteántur tibi, Dómine,

omnes reges terræ: \* quia audié-  
runt ómnia verba oris tui.


Et cantent in viis Dómini: \*  
quóniam magna est glória Dómini.

Quóniam excélsus Dóminus,  
et humília respicit: \* et alta a  
longe cognóscit.


Si ambulávero in médio tribu-  
latiónis, vivificábis me: \* et super  
iram inimicórum meórum exten-  
dísti manum tuam, et salvum me  
fecit délixtera tua.

Dóminus retribuet pro me: \*  
Dómine, misericórdia tua in sæ-  
culum: ópera mánuum tuárum ne  
despicias.

Glória Patri.



Confitebor nómini tu- o, Dómine, super mi-se-ri-córdi- a et ve-



ri- tá-te tu- a.

*Capitulum*

*Ier. 23*

*Czytanie*

*Jr 23, 5*


**E**cce dies véniunt, dicit Dóminus, et suscitábo David germen iustum: et regnábít rex, et sápiens erit: et fáciet iudícium et iustítiam in terra.

**O**to dni przychodzą, mówi Pan, a wzbudzę Dawidowi plód sprawiedliwy: a będzie królował król, i mądrym będzie, i będzie czynił sąd i sprawiedliwość na ziemi.

*Hymnus VI*



Cóndi-tor alme sí-de-rum, Æ-térna lux credénti- um, Christe Red-



émptor ómni- um, Ex-áudi preces súpli-cum.

Qui cóndolens intéritu  
Mortis períre sæculum,  
Salvásti mundum lánguidum,  
Donans reis remédium.

Vergénte mundi vésperé,  
Uti sponsus de thálamo,

Egréssus honestíssima  
Víriginis matris cláusula.

Cuius fþrti poténtiæ  
Genu curvántur ómnia,  
Cæléstia, terréstría,  
Nutu faténtur súbdita.


Te deprecámur ágie,  
Ventúre iudex sæculi,  
Consérva nos in témpore  
Hostis a telo pérfidi.

Laus, honor, virtus, glória  
Deo Patri, et Fílio,  
Sancto simul Paráclito,  
In sempitérna sæcula. Amen.


Ÿ. Roráte,cæli, désuper, et nubes pluant iustum.  
℞. Aperiátur terra, et gérmínet Salvatórem.

### FERIA V INFRA HEBDOMADA I ADVENTUS

*Ad Magn. Ant. IVb*




Exspectábo Dómi-num Salva-tórem me-um, et præsto-lábor e- um,



dum pro-pe est, al-le- lú-ia. C. Magní-fi-cat. E u o u a e.

### FERIA V INFRA HEBDOMADA II ADVENTUS

*Ad Magn. Ant. IVb*



Qui post me ve-nit, ante me factus est: cu-ius non sum dignus



calce- aménta sólve-re. C. Magní-fi-cat. E u o u a e.



## FERIA V INFRA HEBDOMADA III ADVENTUS


*Questa Antiphona est cantanda*

*quando Feria V infra Hebd. III Adventus antecedit diem 17 Decembris.*

### *Ad Magn. Ant. V*



Læ-támi- ni cum Ie-rú-sa-lem, et exsultá-te in e- a omnes qui



di-lí-gi- tis e- am, in æ-térnum. C. Magní-fi-cat. E u o u a e.

### ANTIPHONÆ MAIORES

*Sequentes Antiphonæ sunt cantandæ septem proximis diebus  
ante Vigiliam Nativitatis Domini ad Magnificat.*

### DIE 17 DECEMBRIS

### *Ad Magn. Ant. II*



O Sa- pi- én-ti- a, quæ ex o-re Altíssimi pro-di- í-sti, at-tíngens



a fi-ne usque ad finem fórti-ter, su- a-vi-térque dispónens




ómni- a: ve-ni ad docéndum nos vi- am prudénti- æ.



C. Magní-fi-cat. E u o u a e.

## DIE 18 DECEMBRIS

### *Ad Magn. Ant. II*




O A-do-ná-i, et dux domus Isra-el, qui Mó-y-si in igne



flammæ ru-bi appa-ru-í-sti, et e- i in Si-na legem de-dí-




sti: ve-ni ad re-diméndum nos in bráchi- o exténto.



C. Magní-fí-cat. E u o u a e.

## DIE 19 DECEMBRIS

### *Ad Magn. Ant. II*



O Ra- dix Iesse, qui stas in signum popu-ló-rum, super quem




conti-nébunt reges os su- um, quem gentes depre-cabúntur: veni




ad li- be-rándum nos, iam no-li tardá-re. E u o u a e.

**DIE 20 DECEMBRIS**

*Ad Magn. Ant. II*




O Cla-vis Da-vid, et sceptrum domus Isra-el, qui ápe-ris, et ne-



mo claudit, claudis, et nemo ápe- rit: ve-ni, et e-duc vinctum



de domo cárce- ris, sedéntem in té- nebris, et umbra mortis.




C. Magní-fí-cat. E u o u a e.

**DIE 21 DECEMBRIS**


*Ad Magn. Ant. II*



O O- ri- ens, splendor lu-cis æ-térnæ, et sol iustí-ti-æ: veni,




et il-lúmi- na sedéntes in té- nebris, et umbra mortis.



C. Magní-fí-cat. E u o u a e.

## DIE 22 DECEMBRIS


### *Ad Magn. Ant. II*



O Rex gén-ti- um, et de-si-de-rá-tus e- á-rum, la-písque angu-



lá- ris, qui fa-cis útraque unum: ve-ni, salva hómi-nem, quem




de limo formásti. C. Magní-fi-cat. E u o u a e.

## DIE 23 DECEMBRIS

### *Ad Magn. Ant. II*



O Emma-nu- el, Rex et lé-gi-fer noster, exspectá-ti- o génti-



um, et Salvá-tor e- á-rum: ve-ni ad salvándum nos, Dó-



mi-ne, De- us noster. C. Magní-fi-cat. E u o u a e.

*Canticum B. Mariæ Virginis*

*Luc. 1, 46-55*

**M**agnificat \* ánima mea Dóminum.

Et exultávit spíritus meus \* in Deo salutári meo.

Quia respéxit humilitátem ancillæ suæ: \* ecce enim ex hoc beátam me dicent omnes generatiónes.

Quia fecit mihi magna qui potens est: \* et sanctum nomen eius.

Et misericórdia eius a progé-

nie in progénies \* timéntibus eum.

Fecit poténtiam in bráchio suo: \* dispérsit supérbos mente cordis sui.

Depósuit poténtes de sede, \* et exaltávit húmiles.

Esuriéntes implévit bonis: \* et dívites dimísit inánes.

Suscépit Israel, púerum suum, \* recordátus misericórdiæ suæ.

Sicut locútus est ad patres nostros, \* Abraham, et sémini eius in sæcula.

Glória Patri.

---

**INFRA HEBD. I ADVENTUS**

*Oratio*

**E**xcita, quæsumus, Dómine, poténtiam tuam, et veni: ut ab imminéntibus peccatórum nostrórum perículis te mereámur protegénte éripi, te liberánte salvári: Qui vivis et regnas cum Deo Patre in unitáte Spíritus Sancti, Deus, per ómnia sæcula sæculórum.

**INFRA HEBD. II ADVENTUS**

*Oratio*

**E**xcita, Dómine, corda nostra ad præparándas Unigéniti tui vias, ut per eius advéntum purificátis tibi méntibus servíre mereámur: Qui tecum vivit et regnat in unitáte Spíritus Sancti,

Deus, per ómnia sæcula sæculórum.

**INFRA HEBD. III ADVENTUS**


*Oratio*

**A**urem tuam, quæsumus, Dómine, précibus nostris accómmoda; et mentis nostræ ténebras grátia tuæ visitatiónis illústra: Qui vivis.

**INFRA HEBD. IV ADVENTUS**

*Oratio*

**E**xcita, quæsumus, Dómine, poténtiam tuam, et veni: et magna nobis virtúte succúre; ut per auxílium grátia tuæ, quod nostra peccáta præpédiunt, indulgéntia tuæ propitiatiónis accéleret: Qui vivis.



Be- nedi-cámus Dó- mi-no. R̄ De- o grá- ti- as.



stowarzyszenie: schola  
gregoriana  
silesiensis

